

四庫全書

子部

欽定四庫全書

子部

冊府元龜卷九百六十九至七十二

詳校官中書臣賈鋐

侍讀臣孫球覆勘

總校官庶吉士臣何思鈞

校對官主事臣張培

校對官庶吉士臣毛鳳儀

謄錄監生臣余嘉穎

謄錄監生臣黃嘉績

欽定四庫全書

冊府元龜卷九百六十九 宋 王欽若等 撰

外臣部

朝貢第二

陳高祖永定三年五月扶風國遣使獻方物

文帝天嘉二年十一月高麗國遣使獻方物

四年正月于陀利國遣使獻方物

廢帝天康元年十二月高麗國獻方物

光大元年十月百濟國遣使獻方物

二年六月新羅國九月林邑國狼牙脩國並遣使獻方物

宣帝太建二年六月新羅國十一月高麗國並遣使獻方物

三年五月遼東新羅丹丹天竺盤等國十月丹丹國並遣使獻方物

四年三月扶南林邑國並遣使獻方物

六年正月高麗國遣使獻方物

九年七月百濟國遣使獻方物

十年七月新羅國遣使獻方物

十三年十月丹丹國遣使獻方物

後主至德元年十二月頭和國遣使獻方物

二年十一月盤盤國百濟國並遣使獻方物

三年十月丹丹國十二月高麗國並遣使獻方物

四年九月百濟國遣使獻方物

禎明二年六月扶南國遣使獻方物

後魏道武天興二年十二月禿髮鹿孤遣使朝貢

五年十二月禿髮傉檀遣使朝貢

明元永興五年正月頓拔大渠率四十餘人詣闕奉貢  
賜以繒帛錦罽各有差

泰常八年四月車駕南巡至雒陽觀石經蠻王梅安率  
渠師數千人來貢方物

太武神䴥元年四月氐南秦王楊玄遣使朝貢

四年閏六月蠕蠕國遣使朝獻

延和元年十月吐谷渾慕瓊遣使朝獻

三年二月蠕蠕吳提遣其異母兄禿鹿傀及左右數百人朝貢獻馬二千匹

十月蠕蠕國遣使朝貢

太延元年二月蠕蠕焉耆車師諸國六月高麗鄯善國並遣使朝貢

八月粟特國遣使朝貢

二年八月東北高車國遣使朝貢

三年二月高麗契丹三月龜茲悅般焉耆車師粟特疏勒烏孫渴盤陀鄯善諸國各遣使朝獻

十一月破羅那者舌國遣使朝獻奉汗血馬

四年三月鄯善王弟素延耆來朝

五年四月鄯善龜茲疏勒焉耆諸國遣使朝獻

五年遮逸國獻汗血馬

十一月高麗及粟特渴盤陀破羅那悉居半國各遣使

朝貢

太平真君十一年十一月頰盾國獻獅子一

文成興安元年十二月保達沙獵國各遣使朝獻

二年三月疏勒國八月渴盤陁國十二月庫莫奚契丹

羈賓等十餘國各遣使朝貢

興光元年九月庫莫奚國獻名馬有一角狀如麟

十二月出于叱萬單國各遣使朝貢獻

太安元年六月遮逸國十月波斯疏勒國並遣使朝貢

二年十一月嚙噠普嵐國並遣使朝獻

三年正月粟特于闐國十二月于闐扶餘等五十餘國

各遣使朝貢

五年五月居常國遣使朝獻

和平元年十月居常王獻駒象一

二年八月波斯國遣使朝獻

三年三月高麗徙王契噡思獻於師疏勒石那悉居半

渴盤陸諸國各遣使朝獻

五年十二月吐呼羅國遣使朝獻

六年二月高麗徙王對曼諸國各遣使朝獻

四月破雒那國獻汗血馬普嵐國獻寶劍

獻文天安元年三月高麗波斯于闐阿襲諸國十月曹

利形曷國各遣使朝貢

皇興元年二月高麗庫莫奚具伏弗郁羽陵日連匹黎  
爾于闐諸國九月高麗于闐普嵐粟特國各遣使朝獻  
二年四月高麗庫莫奚契丹具伏弗郁羽陵日連匹黎

爾叱六手悉萬斤阿大阿羽真俟于闐波斯等國十二月悉萬丹等十餘國各遣使朝貢

三年二月蠕蠕高麗庫莫奚契丹國七月蠕蠕國並遣使朝貢

四年二月高麗庫莫奚契丹各遣使朝貢

孝文延興二年七月高麗國八月地豆于庫莫奚國並遣使朝貢昌寧國遣使貢獻蜀馬

三年二月高麗契丹國四月契丹八月高麗庫莫奚國

九月庫莫奚國悉萬斤國十月悉萬斤國並遣使朝獻

四年正月粟特國遣使朝獻

二月吐谷渾拾寅遣子費斗斤入侍并獻方物

三月高麗吐谷渾曹利國五月蠕蠕國六月濶悉國七月

高麗國八月吐谷渾國九月契丹庫莫奚地豆于十

一月吐谷渾國並遣使朝獻

五年二月高麗國遣使朝獻

閏二月吐谷渾國四月龜茲國並遣使朝獻

五月契丹庫莫奚國各遣使獻名馬

八月高麗吐谷渾地豆于諸國十月蠕蠕國並遣使朝

獻勿吉國遣使朝獻

承明元年春二月蠕蠕高麗庫莫奚波斯諸國五月蠕  
蠕國七月高麗庫莫奚八月蠕蠕國九月高麗庫莫奚  
契丹宕昌悉萬斤十一月蠕蠕國並遣使朝獻

太和元年二月高麗契丹庫莫奚國三月庫莫奚契丹

國並遣使朝獻

四月蠕蠕國遣使朝貢

九月蠕蠕車多羅高麗西天竺舍衛十月庫莫奚疊伏  
羅龜茲諸國各遣使朝貢契丹國並遣使朝貢

十一月吐谷渾國粟提婆國十二月員闊吐谷渾國並  
遣使朝貢

二年正月吐谷渾遣使朝獻

二月蠕蠕國遣使朝獻

七月龜茲國遣使獻名駒七十頭

八月勿吉國遣使朝獻

九月龜茲國遣使獻大馬名駘珍寶甚衆

三年三月吐谷渾高麗國四月蠕蠕國並遣使朝獻吐  
谷渾國遣使獻麓牛五十頭

九月高麗吐谷渾國地豆于契丹庫莫奚龜茲諸國各  
遣使朝獻

十二月粟特州逸河龔疊伏羅員潤悉萬斤諸國各遣  
使朝貢

四年三月蠕蠕國七月悉萬斤國並遣使朝貢

五年五月鄧至國十月蠕蠕國並遣使朝貢

六年二月地豆于國六月蠕蠕國十一月吐谷渾國並遣使朝貢

八年二月蠕蠕國十月高麗國並遣使朝貢

九年三月宕昌國五月高麗國十月高麗吐谷渾國十二月宕昌國高麗吐谷渾等國並遣使朝貢

十年三月蠕蠕國四月高麗吐谷渾國十二月勿吉國

並遣使朝貢

十一年四月吐谷渾國五月高麗吐谷渾國八月悉萬斤國並遣使朝獻

十二年二月高麗國三月宕昌國四月高麗吐谷渾國六月宕昌國並遣使朝貢

八月勿吉國貢楛矢石砮

九月吐谷渾宕昌國並再遣使朝貢

閏九月高麗國遣使朝貢

十三年二月高麗國三月吐谷渾國六月高麗國七月  
陰平國八月中尺國九月吐谷渾武興宕昌諸國十月  
高麗國並遣使朝貢

十四年二月吐谷渾國三月悉萬斤等國五月高麗國  
八月宕昌國九月高麗國並遣使朝貢

十五年正月吐谷渾國三月悉萬斤等國五月高麗國  
七月吐谷渾國九月吐谷渾高麗宕昌鄧至諸國並遣  
使朝獻

十六年三月高麗鄧至國六月高麗國並遣使朝獻

七月吐谷渾世子賀虜頭來朝

八月高麗十月鄧至國並遣使朝獻

十七年正月勿吉國三月吐谷渾國五月宕昌陰平契丹庫莫奚諸國六月高麗國並遣使朝貢

九月鄧至王像舒彭遣子臼詣闕朝貢并奉表求以位授曰詔許之十二月陰平國遣使朝貢

十八年正月高麗國遣使朝貢七月又遣使朝貢

十九年三月鄧至國五月高麗吐谷渾國並遣使朝貢

二十一年五月衛大國十二月高昌國並遣使朝貢

二十二年八月高麗國遣使朝貢

二十三年五月十一月高麗國再遣使朝貢

宣武景明元年七月吐谷渾國八月高麗國並遣使朝貢

二年正月高麗國十月吐谷渾國十二月高麗國並遣使朝貢

三年七月于闐國九月武興國世子楊紹先並遣使朝獻

是年疏勒罽賓婆羅捺烏長阿喻陀羅婆不嶧陀拔羅  
弗波女提斯羅達舍伏耆奚那大羅槃烏稽恣萬斤朱  
居槃訶盤陀撥斤獻味朱沴羅南天竺持沙那斯頭諸  
國並遣使朝貢

四年四月南天竺國獻辟支佛牙

八月勿吉國貢楳矢

正始元年四月高麗國遣使朝獻

三年九月高麗蠕蠕國並遣使朝貢

二年正月鄧至國遣使朝貢

四年二月吐谷渾宕昌國並遣使朝獻勿吉國貢楨矢  
三月疊伏羅四月吐谷渾鳩磨羅阿拔磨拔切磨勒悉  
萬斤諸國六月杜蘭達那羅舍彌比羅直諸國八月契  
丹庫莫奚宕昌吐谷渾諸國九月疏勒車勒阿駒南天  
竺婆羅等諸國十月高麗半社悉萬斤可流伽比沙疏

勒于闐等諸國又疏勒嚙噠波斯渴盤陁渴文提不那  
伏忸杖提等諸國並遣使朝獻十一月阿與陁跋吐羅  
諸國十二月特那杖提沙鉢離阿失勒磨致鉢鉢倫波  
利伏佛胄善乾達諸國並遣使朝貢

永平元年二月勿吉國南天竺國三月斯羅陁阿比羅  
阿夷义多婆那伽伽師達于闐諸國四月阿伏至羅國  
五月高麗國六月高車國七月高車契丹汗畔羈賓諸  
國八月吐谷渾庫莫奚國九月蠕蠕國十二月高麗國

並遣使朝獻

二年正月胡密步就磨忸密槃是悉萬斤辛豆那越拔  
忸高昌諸國並遣使朝貢

是月嚙達薄知國貢白象一

三月磨豆羅阿曜社蘇突闍地伏羅諸國五月高麗國  
六月高昌國七月契丹國八月鄧至國高昌勿吉庫莫  
奚諸國十二月疊伏羅弗菩提朝陁咤波羅諸國並遣  
使朝獻

三年二月高昌鄧至國三月高麗吐谷渾宕昌諸國閏  
六月吐谷渾高麗契丹諸國七月吐谷渾國八月勿吉  
國九月烏長伽秀沙泥諸國十月高車龜茲難地那竭  
庫莫奚等諸國十二月高麗比沙杖國並遣使朝獻  
四年正月阿悅陁不數羅國三月婆比幡彌烏萇北地  
乾達諸國六月乾達阿婆羅舍越伽使密不流沙諸國  
七月吐谷渾契丹國八月阿婆羅達舍越伽使密不流  
沙等諸國並遣使朝獻勿吉國獻楨矢

九月嚙噠朱居槃波羅莫伽陁移婆僕羅俱薩羅舍彌  
羅樂陁等諸國十月婆比幡彌烏萇北地乾達等諸國  
十一月宕昌國難地伏羅國十二月大羅汗婆來伽國  
並遣使朝獻

延昌元年正月疏勒國三月渴盤陁國五月疏勒及高  
麗國七月吐谷渾契丹國八月吐谷渾國十月嚙噠于  
闐高昌及庫莫奚諸國並遣使朝獻  
是年勿吉國貢楳矢

二年正月高麗國三月高昌國五月高麗嚙噠于闐渴盤陁及契丹庫莫奚諸國九月勿吉吐谷渾鄧至十二月高麗國並遣使朝貢

三年七月勿吉國九月吐谷渾契丹勿吉諸國十月庫莫奚國十一月高麗國南天竺佐越費實諸國並遣使朝獻

四年二月宕昌國七月蠕蠕國吐谷渾國宕昌國九月鄧至高昌庫莫奚契丹諸國十月高麗吐谷渾國十二

月高車國並遣使朝貢

是年勿吉國貢楳矢

孝明熙平元年二月吐谷渾宕昌鄧至諸國四月高昌  
陰平國五月吐谷渾國七月宕昌高昌國並遣使朝獻  
二年正月勿吉國地伏羅彌賓國二月契丹鄧至宕昌  
諸國三月吐谷渾國四月高麗波斯疏勒嚙達諸國五  
月鄧至國七月地伏羅彌賓國八月契丹吐谷渾國九  
月吐谷渾國十二月蠕蠕國並遣使朝獻

是年勿吉國貢楳矢

神龜元年二月東益夷州氏及蠕蠕嘵嘵高麗勿吉吐  
谷渾宕昌疏勒父末陀末父半諸國三月吐谷渾國四  
月舍摩國高麗高車高昌諸國閏七月吐谷渾及波斯  
疏勒烏萇龜茲諸國八月勿吉國並遣使朝貢

二年二月吐谷渾宕昌國四月嘵嘵國並遣使朝貢

正光二年五月烏萇國遣使朝貢閏月居密波斯國六  
月高昌國勿吉國八月伏羅國十一月高昌國並遣使

朝貢

三年七月波斯不漢龜茲諸國十月吐谷渾國並遣使朝貢

四年二月宕昌國遣使朝貢蠕蠕後主侯匿代來朝九月庫莫奚國遣使朝貢

五年二月嚙達國五月嚙達契丹地豆于庫莫奚諸國並遣使朝貢

孝昌元年十月蠕蠕國主阿那瓌遣使朝貢

二年二月疊伏羅國四月庫莫奚國並遣使朝貢

三年四月蠕蠕國遣使朝貢六月九月又遣使朝貢

孝莊永安元年六月嚙噠國獻獅子

出帝太昌元年六月高麗契丹庫莫奚蠕蠕嚙噠高昌等國十一月蠕蠕國並遣使朝貢

永熙三年四月高麗契丹國六月吐谷渾國並遣使朝

貢

東魏孝靜帝天平二年春高麗契丹並遣使朝貢

三年高麗勿吉並遣使朝貢

四年高麗蠕蠕並遣使朝貢

元象元年七月高麗遣使朝貢

興和元年五月高麗遣使朝貢

二年蠕蠕國高麗勿吉並遣使朝貢

三年蠕蠕高麗勿吉並遣使朝貢

四年蠕蠕高麗吐谷渾並遣使朝貢

武定元年吐谷渾高麗蠕蠕並遣使朝貢

二年吐谷渾地豆于室韋高麗蠕蠕勿吉並遣使朝貢

三年高麗吐谷渾蠕蠕並遣使朝貢

四年室韋地豆于勿吉高麗蠕蠕並遣使朝貢

五年高麗勿吉並遣使朝貢

六年高麗室韋蠕蠕吐谷渾並遣使朝貢

七年蠕蠕地豆于室韋高麗吐谷渾並遣使朝貢

八年正月地豆于契丹四月蠕蠕並遣使朝貢

西魏文帝大統十一年蠻首侮勒特來貢其方物

北齊文宣帝天保元年六月高麗十月茹茹國吐谷渾十二月茹茹庫莫奚國並遣使朝貢

二年二月茹茹國四月室韋國五月高麗七月茹茹國谷渾並遣使朝貢

三年二月契丹四月室韋國並遣使朝貢

四年正月庫莫奚遣使朝貢

十二月帝討突厥突厥請降許之於是貢獻相繼

五年七月肅慎八月突厥並遣使朝貢

六年四月突厥五月茹茹十一月高麗十二月庫莫奚並遣使朝貢

七年九月庫莫奚十月契丹並遣使朝貢

八年八月庫莫奚遣使朝貢

武成帝河清二年室韋國庫莫奚靺鞨契丹並遣使朝貢

三年高麗靺鞨新羅並遣使朝貢

後主天統元年高麗契丹靺鞨並遣使朝貢

二年突厥靺鞨並遣使朝貢

三年十月突厥大莫婁室韋百濟靺鞨等國各遣使朝貢

四年契丹靺鞨國並遣使朝貢

五年二月大莫婁國遣使朝貢

武平元年七月靺鞨遣使朝貢

三年新羅百濟勿吉突厥並遣使朝貢

四年高麗靺鞨並遣使朝貢

六年四月靺鞨遣使朝貢

後周明帝二年六月嚙噠遣使獻方物

十二月突厥遣使獻方物

武成元年閏五月高昌遣使獻方物

武帝保定元年正月突厥吐谷渾高昌二月突厥宕昌

五月突厥龜茲並遣使獻方物

三年三月宕昌遣使獻生猛獸二詔放之南山

四年五月突厥七月粟特並遣使獻方物焉耆遣使獻

名馬

五年正月吐谷渾遣使獻方物十一月又遣使獻方物  
天和二年五月突厥吐谷渾安息並遣使獻方物  
四年七月突厥遣使獻馬

建德三年正月突厥遣使獻馬十一月于闐遣使獻馬  
六年九月吐谷渾十一月百濟並遣使獻方物  
十二月吐谷渾又遣使獻方物

宣政元年三月突厥十月百濟並遣使獻方物

冊府元龜卷九百六十九

欽定四庫全書

冊府元龜卷九百七十 宋 王欽若等 撰

外臣部

朝貢第三

隋高祖開皇元年三月白狼國七月靺鞨長八月突厥阿波可汗九月突厥沙鉢畧可汗並遣使貢方物二年正月高麗百濟並遣使獻方物十一月高麗又遣使獻方物

三年正月高麗四月突厥五月高麗靺鞨並貢方物八  
月靺鞨又貢方物

四年靺鞨貢方物契丹率諸莫賀弗來謁

五年四月契丹主多彌遣使貢方物

六年三月突厥沙鉢畧遣使貢方物

是年女國遣使朝貢

七年突厥沙鉢畧使其子入貢方物

是年突厥都藍可汗遣其母弟傉但特勒獻于闐玉杖

八年突厥都藍部落大人相率遣使貢馬萬匹羊二萬  
口駝牛各五百頭

十年七月吐谷渾十一月契丹並遣使朝貢

十一年正月高麗二月吐谷渾四月突厥雍虞間可汗  
五月高麗十二月靺鞨並遣使貢方物

十二年春正月帝在仁壽宮突厥高麗契丹並遣使獻  
方物

是年吐谷渾靺鞨並遣使貢方物

十三年正月契丹奚晝室韋七月靺鞨並遣使貢方物  
十五年五月吐谷渾六月林邑並遣使貢方物

十七年六月高麗七月突厥並遣使貢方物

十一月突厥遣使來朝

煬帝大業三年五月突厥啓民可汗遣子拓特勒來朝  
景寅又遣其兄子毘黎伽特勒來朝

六月吐谷渾高昌突厥莫何可汗並遣使貢方物

四年三月百濟倭赤土伽羅舍國並遣使貢方物

五年二月赤土國四月狄道党項羨並遣使貢方物

是年高麗吐谷渾伊吾並遣使來朝

八月突厥沙鉢畧可汗遣子庫舍特勒來朝

是年石國遣使朝貢

六年三月倭國六月室韋赤土並遣使貢方物

七年二月百濟遣使朝貢

十年七月曹國百濟國並遣使貢方物

十一年正月突厥新羅靺鞨畢大辭訶咄傳越烏那曷

波臘吐火羅俱慮建忽論靺鞨訶多沛汗龜茲疏勒于  
闐安國曹國何國穆國畢衣密失范延伽折契丹等國  
並遣使朝貢

十二年二月真臘國婆利國並遣使貢方物附國鑑汗  
挹恒末國史國波斯漕國焉耆等國大業中並遣使朝  
貢

唐高祖初為唐主突厥遣使獻良馬即位龜茲國王蘇  
伐敦駿遣使來朝

武德元年五月突厥始畢可汗七月西蕃突厥闕可汗並遣使朝貢九月始畢又遣骨咄祿特勒來朝

二年二月吐谷渾遣使朝貢

四月曷薩那可汗獻大珠是月始畢可汗七月西突厥葉護可汗及高昌九月吐谷渾十月靺鞨首帥突厥遣使朝貢突厥者靺鞨之渠長也隋大業中與兄瞞咄率其部內屬於營州瞞咄死代總其衆拜遼西太守封扶餘侯朝煬帝於江都屬化及之亂以其徒數百間行

歸柳城至是通使焉

十一月吐谷渾党項並遣使朝貢

是年高麗王高建武遣使來朝

三年正月三月西蕃突厥葉護可汗遣使朝貢

是年高昌王麴伯雅遣使來朝

五月六月突厥繼來貢方物

八月西爨十一月突厥並來貢方物

是年鮮柯蠻首領謝龍羽遣使朝貢

四年正月突厥額利可汗三月西突厥葉護可汗遣使朝貢

十月百濟遣使獻果下馬

是月新羅國句麗及西域二十二國並遣使朝貢

十二月昆明西南夷昆彌遣使朝貢先是隋文帝時遣史萬歲平南寧至西洱河其國人來拒因獻明珠徑寸萬歲班師至是雋州治中吉宏偉通南寧因至其國諭之遂使入朝自是以後朝貢不絕

五年四月西突厥葉護可汗遣使獻獅子皮又八月遣使獻名馬

十一月靺鞨渠帥阿固郎來朝

是年突厥額利可汗及高麗並遣使朝貢

六年二月林邑四月西突厥六月契丹酋帥孫敖曹十月新羅十二月白蘭白狗羌高麗突厥吐谷渾並遣使

朝貢

是年真臘國遣使貢方物

七年二月契丹三月昆明五月百濟六月康國吐谷渾及西突厥莫賀咄可汗七月百濟康國曹國並遣使朝貢靺鞨渠帥阿固郎來朝

六月高昌獻狗雌雄各一高六寸長一尺餘性甚慧能牽馬銜燭云本出拂菻中國有拂菻狗自此始也

九月百濟遣使獻光明甲

是月吐谷渾十二月高麗國並遣使來貢方物

八年正月突厥額利可汗三月吐谷渾四月林邑九月

真臘國參半國十一月新羅百濟並遣使朝貢

九年三月西突厥葉護可汗四月靺鞨六月葉護可汗

七月新羅並遣使朝貢

九月額利可汗獻馬三千匹羊萬口不受

十一月額利可汗十二月高麗百濟党項並遣使朝貢

康國王屈木支遣使獻名馬

太宗貞觀元年正月西突厥閏三月高昌吐谷渾等五

月何國康國六月新羅十月西突厥十一月新羅並遣

使朝貢

二年四月西突厥遣使貢方物

九月高麗王建武遣使奉賀破突厥頡利可汗並上封域圖

十月林邑真臘參半殊崇並遣使朝貢

十一月頡利可汗遣使貢馬牛數萬許

是年鐵勒遣使朝貢

三年正月契丹渠帥來朝

二月高昌八月薛延陁九月高麗百濟新羅並遣使朝貢拔也古僕骨同羅奚等渠帥並來朝

十一月西突厥高昌十二月西趙夷子咩狗充州蠻靺鞨別部並遣使朝貢契丹東謝渠帥來朝

是年曹國君長遣使貢方物室韋遣使貢豐貉自此朝貢不絕

四年二月薛延陁吐谷渾並遣使朝貢

五年林邑獻火珠狀如水精日正午時以珠承景取艾

衣之即火見云得於羅利國婆利國遣使隨林邑使獻  
方物

七月室韋九月薛延陁並遣使貢方物

十二月祥柯蠻謝龍羽遣使朝貢

是年龜茲國王蘇伐疊遣使獻馬自此朝貢不絕又東  
女國王湯滂氏遣使入朝

五年九月百濟十月薛延陁十一月室韋倭黑水靺鞨  
並遣使朝貢党項白蘭渠帥奚契丹俟斤並來朝

是年林邑獻五色鸚鵡又獻白鸚鵡情識辨慧善於應答自此朝貢不絕

六年正月五月薛延陁遣使朝貢吐谷渾遣其名王來朝

六月契丹渠帥來朝

七月焉耆閏八月契丹奚十一月薛延陁室韋靺鞨十一月雪山党項百濟新羅並遣使朝貢

是年于闐國王尉遲屋密遣使獻玉帶帝優詔答之又

烏羅渾國君長遣使獻貂皮

七年正月契丹奚渠帥並來朝

五月吐谷渾七月高昌九月盤盤國十月西突厥奚利  
苾咄陸可汗並遣使朝貢

八年四月吐谷渾遣使朝貢室韋靺鞨渠帥並來朝  
十一月吐蕃十二月石國高昌並遣使朝貢

九年正月西突厥同城設二月于闐王焉耆四月薛延  
陁真臘渴盤陁國閏月疏勒國五月吐火羅八月西突

厥九月于闐室韋薛延陁盤盤國十月處月鴟十一月  
百濟十二月吐蕃西突厥並遣使來朝貢方物

是年康國獻獅子

十年二月百濟焉耆于闐疏勒三月薛延陁八月甲子  
西突厥十二月疏勒朱俱波甘棠並遣使來朝

十一年六月朔賓遣使獻舍利名馬

八月西蕃咥利失可汗遣使獻方物

十一年吐谷渾河源郡王慕容諾曷鉢獻牛羊萬三千

頭薛延陁遣子達度設頡利苾來朝

十二月百濟王扶餘璋遣太子隆來朝并獻鐵甲雕斧  
帝優勞之

是年康國獻金桃銀桃詔令植之於苑囿

十二年正月僧高武令迦乍鳩密等四國遣使朝貢並  
南荒之小國也朝中國自是始通衣服言音與林邑同  
俗

六月墮和羅國遣使貢方物南方荒外崑崙之類也

八月吐谷渾十月西突厥烏羅國喝羅國十一月安國  
並遣使貢方物回紇菩薩南過賀蘭山臨黃河遣使入  
貢

十三年二月波斯康國六月昆明國九月薛延陀並遣  
使朝貢

十月百濟遣使貢金甲雕斧

十四年正月焉耆國三月流鬼國五月訶陵墮和羅羈  
賓國並遣使貢方物

是年高麗王遣其太子桓權來朝并獻方物

十五年二月盤盤國十一月甲午大羊同國並遣使貢

方物

是年天竺國王尸羅逸多遣使朝貢帝復遣李義報使其王復遣使獻大珠及鬱金香菩提樹

十六年春正月吐蕃于闐百濟高麗新羅康國龜茲吐谷渾曹國賀國史國婆羅國曇陵叅半四月俱密國五月林邑國十一月朱陀國烏萇國遣使獻方物烏萇自

古未通中國其王達摩因陀訶斯遣使奉表曰大福德  
至尊一切王中上乘天寶車破諸黑暗譬如帝釋能伏  
阿脩羅王奴宿種善根得生釋種拜至尊因獻龍腦香  
帝嘉其遠至降璽書以答慰之

是年罽賓國遣使獻禡特鼠喙尖而尾赤能食蛇有被  
蛇螫者鼠輒臭而尿之其瘡立愈

十七年正月朔薛延陀百濟高麗新羅吐谷渾康國女  
國閏六月墮和羅國十一月吐蕃薛延陀新羅婆羅門

同城西蕃處般啜等國各遣使獻方物

是年拂菻王波多力遣使獻赤頗黎綠頗黎石綠金精等物  
陁洹國遣使來朝

十八年正月朔吐谷渾薛延陁吐蕃高麗百濟新羅康國于闐三月火辭彌國十二月摩羅游國各遣使獻方物

十九年正月庚午朔百濟太子扶餘康信延陁新羅吐谷渾吐蕃契丹奚吐火羅葉護沙鉢羅葉護于闐同城

康國蘇鞠雪等遣使來賀各貢方物

二十年正月吐谷渾吐蕃高麗石國三月西蕃似槃國王瑟匿國閏三月悉立國章求拔國俱蘭國並遣使貢獻章求拔國或云章揭拔本西羌種也在悉立西南聞悉立內附其王羅利多菩伽遣使因悉立以朝獻後右衛率長史王元策往西域為中天竺所刦其王發兵赴之破賊有功自此職貢俱蘭亦名為俱羅其王表曰如雪如珠如雲如月潔白高遠是文夫枝清涼一切如須

彌山又如大海威力自在如那羅延如日光明大王中  
王大漢國勝天子名流四海俱羅那國王忽提婆謹修  
禮拜

七月吐蕃遣其大臣祿東贊奉表曰聖天子平定四  
方日月所照之國並為臣妾而高麗恃遠闢於臣禮天  
子自領百萬渡遼致討鹽城陷陣指日凱旋夷狄纔聞  
天子發駕少進之間已聞歸國鴈飛迅越不及陛下速  
疾奴忝預子婿喜百常夷夫鵝猶鴈也故作金鵠奉獻

其鵝黃金鑄成高七尺中可實酒三斛

是年五月天竺遣使貢方物

二十一年正月龜茲羊同石國吐蕃波斯康國吐谷渾並貢方物

二月陁洹國獻白鸚鵡毛羽皓素頭上有紅毛數十莖垂與翅齊并五色鸚鵡各一及婆律膏

三月帝以遠夷各貢方物珍果咸至其草木雜物有異于常者詔皆使詳錄焉葉護獻馬乳蒲桃一房長二丈

餘子亦稍大其色紫摩伽陀國獻菩提樹一名波羅菴似白楊康國獻黃桃大如鵝卵其色黃金亦呼為金桃伽毘國獻鬱金香葉似麥門冬九月花開狀如芙蓉且色紫碧香聞數十步華而不實欲種取根剝賓獻俱物頭花其花丹白相似而香遠聞伽失畢國獻泥樓鉢羅葉類荷葉缺圓其花色碧而藥黃香芳數十步健達戲佛土葉一莖五葉花赤心中正黃而藥紫色泥鉢羅戲波稜菜類紅藍實如蒺藜火熟之能益食味又有酢菜

狀類慎火葉闊味雖少苦以食益人胡芹狀似芹而味  
香渾提葱其狀猶葱而甘辛嗅藥其狀類凌冬而青收  
乾作末味如桂椒其根能愈氣疾薛延陁獻拔蘭鹿麅  
毛而牛角大如麅西蕃突厥獻馬蹄羊其蹄似馬波斯  
國獻活耨蛇形如鼠而色青身長八寸能入穴取鼠西  
蕃咄陸可汗獻金卵餅烏鵲也雕刻作禽獸而塗以黃  
金西蕃胡國出石密中國貴之帝遣使至摩伽陀國取  
其法令揚州煎諸薦之汁於中厨自造色味逾於西域

所出前代或有貢獻人皆不識及破高昌收馬乳蒲桃  
實於苑中種之并得其酒法帝自損益造酒成凡有八  
色芳辛酷烈味兼綴益既頒賜羣臣京師始識其味

八月骨利幹國遣使朝貢獻馬十匹尤駿帝奇之各為  
製名號為十驥其一曰騰霜白其二曰皎雪驄其三曰凝  
露驄其四曰懸光驄其五曰決波驄其六曰飛霞驄其  
七曰發電赤其八曰流金駭其九曰翔麟紫其十曰奔

虹赤

十二月都播諸部遣使朝貢都播鐵勒之別種也聞骨利幹來通宣國威靈於是遣使

是年葱嶺墮婆登國龜茲國吐谷渾獻突厥皮突厥車鼻可汗並遣使朝貢

二十二年正月朔結骨吐蕃吐谷渾新羅高麗吐火羅康國于闐烏萇波斯石國並遣使朝貢

三月焉耆國五月罽賓六月盤盤國十二月吐谷渾河源王並遣使朝貢

二十三年二月西突厥肆葉護可汗安國王並獻方物  
墮和羅國遣使獻象牙火珠

三月西洱河大首領楊同外東洱河大首領楊歛松外蠻  
首領蒙羽等來朝

高宗以貞觀二十三年即位八月吐谷渾河源郡王慕容  
諾曷鉢獻馬牛

九月迦毘葉國遣使獻天鐵熊其力生擒白象獅子  
永徽元年正月吐蕃遣使朝貢

五月吐火羅國獻大鳥高七尺其足如駒有翅而能飛行日三五百里能噉銅鐵夷俗呼為駒鳥

二年八月大食國始遣使朝貢

十月真臘國獻馴象施洹國遣使來獻

十一月罽賓國遣使獻禱池鼠

是年春正月朔泥婆羅國遣使朝貢

三年春正月朔吐谷渾新羅百濟高麗並遣使朝貢

八月吐谷渾遣使獻名馬十月罽賓國曹國十一月駁

馬國並遣使朝貢

四年四月林邑國人諸葛地自立為王遣使貢方物馴象

七月吐谷渾獻名馬

十一月新羅遣使獻金總布是月曹國劉賓國並嗣主  
新立各遣使朝貢

五年四月劉賓國曹國康國安國吐火羅國並遣使朝

貢

五月林邑國獻駒象

八月吐蕃使人獻野馬百匹及大佛盧高五尺廣袤各  
三十七步九月吐谷渾遣使朝貢

十二月倭國遣使獻琥珀瑪瑙琉璃大如斗瑪瑙大如  
五升器

六年六月大石國鹽莫念並遣使朝貢

顯慶元年正月女國遣女使高霸梨文并其主男三虜  
等來朝

五月婆岸國遣使獻方物

十月新羅王遣其子右武衛將軍文正來朝

十二月高麗王高巖遣使奉表賀冊皇太子

二年正月庚申朔吐火羅國獻獅子

二月林邑國遣使朝貢

六月瞻博國遣使獻駒象犀牛

十二月吐蕃贊普遣使獻金城城上有獅子象駒馬原  
瓶等並有人騎并獻金筭金頗羅等

三年八月千私弗國王法陁拔底舍利君國王失利提婆摩臘王施婆羅地多並遣使朝貢三國並南天竺屬也國皆絕遠未嘗與中國通至是汎海累月方達交州并獻其方物

四年十月蝦夷國隨倭國使入朝

龍朔元年八月多箇國王摩如失利多福國王難修強宜說耽羅國王儒李都羅等並遣使來朝各貢方物三國皆林邑之南邊海小國也

二年五月于弗國摩臘國三濮國哥羅舍分國修羅分  
國甘畢國並遣使獻方物哥羅舍分國在南海之南東  
接墮和羅國其王名蒲伽越摩精兵二萬人其使以顯  
慶五年發本國至是到京修羅分國居於南海之北木  
柵為城東至真臘國南至海其王名尸達摩提婆精兵  
二萬餘人甘畢國居於東海之濱東接林邑其王名旗  
陁越摩精兵可五千人其使以龍朔元年發本國至是  
到京

乾封元年七月單單國訶陵國各遣使獻方物

二年十月波斯國獻方物

總章元年七月未陁提國遣使獻方物

二年八月林邑王鉢伽舍跋摩羅婆王稱達鉢等十一  
月倭國並遣使獻方物

三年林邑獅子訶羅單單等並遣使朝獻

咸亨元年三月罽賓國獻方物倭國王遣使賀平高麗  
二年三月拔汗那五月吐火羅波斯康國罽賓國八月

鳩密國王尸利鳩摩富那國王尸利提婆跋摩各遣使來朝貢其方物

三年三月南天竺國各獻方物

四月吐蕃遣其大臣仲琮來朝

上元二年正月右驍衛大將軍龜茲王白素稽獻銀頗羅賜帛以答之拔汗那王獻碧頗黎及蛇黃

十二月丁亥龜茲王白素稽獻名馬

二年二月堅昆獻名馬

九月新羅王金法敏遣使獻方物

儀鳳二年四月于闐獻方物

調露元年十月康國拔汗那護密國各遣使朝貢

永隆二年五月大食國吐火羅國各遣使獻馬及方物

永淳元年五月大食國波斯真臘國九月石國十二月

南天竺及于闐國各遣使獻方物

則天垂拱二年三月林邑國遣使獻駒象

九年女國十二月敦律國並遣使朝貢

天授二年十月林邑國遣使獻馴象

三年三月東天竺國王摩羅枝摩西天竺國王尸羅逸  
多南天竺國王遮婁其拔羅婆北天竺國王婁其那那  
中天竺國王地婆西那龜茲國王延繇拔並來朝獻  
長壽元年九月罽賓國遣使朝貢

延載元年七月骨利幹遣使朝貢

證聖元年春正月林邑國貢戰象

四月林邑國遣使朝貢

萬歲通天二年四月安國獻兩頭犬

六月女國十月敦律國遣使朝貢

神功元年二月辛毋葱嶺國遣使貢方物

聖歷元年春正月真臘國四月疏勒王裴夷健臘月默

啜並遣使朝貢

二年二月新羅王金理洪遣使貢方物

六月林邑國遣使獻馴象

八月突騎施烏質勒遣其子遮弩來朝

父視元年七月謝國貢方物

長安元年十二月佛誓國遣使貢方物

三年三月大食國遣使獻良馬

十月日本國遣其大臣朝臣真人貢方物

十二月林邑國遣使朝獻

三年正月吐蕃新羅林邑並遣使朝貢

十月林邑國遣使朝獻

十一月突厥遣其大臣移力貪汗獻名馬千疋并方物

中宗神龍元年三月新羅王金志誠遣使來朝九月又遣使獻方物

二年四月新羅王金隆基遣使獻方物

二月日本國遣使來朝

七月波斯國林邑國八月新羅國並遣使貢獻

十月新羅國又遣使朝貢

三年二月吐蕃贊普遣其大臣悉董熱獻方物

五月真臘國六月康國王突氏並遣使獻方物

八月林邑國遣使獻馴象

景龍元年十一月室韋首領十二月新羅並遣使朝貢獻

二年春正月吐谷渾三月波斯十一月堅昆並遣使來朝

三年正月龜茲二月吐蕃三月崑崙國六月新羅八月  
吐蕃並遣使貢方物

十月室韋遣使貢方物

十一月林邑國遣使獻白象及方物

四年正月新羅焉耆南天竺真臘等國四月高麗各遣使來朝

睿宗景雲元年九月南天竺國吐蕃十月謝颯列賓國並遣使貢方物欽化可汗突騎施守忠遣使來朝

十二月吐蕃遣使獻方物

是年奚首領李大酺遣使貢方物

二年八月九月突厥並遣使來朝

十一月靺鞨室韋並遣使獻方物

十二月突厥獻食大食新羅林邑獅子國並遣使獻方物拂菻國獻方物

太極元年二月新羅突厥並遣使朝貢

四月林邑國五月吐蕃並遣使獻方物

延和元年八月吐蕃遣使朝見

冊府元龜卷九百七十

欽定四庫全書

冊府元龜卷九百七十一 宋 王欽若等 撰

外臣部

朝貢第四

唐玄宗先天元年八月吐蕃遣使朝貢

九月突騎施守忠十月突厥汝陁金山十一月突厥  
十姓十二月吐蕃新羅並遣使來朝

二年正月突厥二月新羅室韋吐蕃處月突厥焉耆于

闡六月南天竺新羅各遣使朝貢凡夷狄朝貢太上皇皆御門樓以見之

開元元年十二月靺鞨王子來朝奏曰臣請就市交易入寺禮拜許之林邑國王建多達摩遣使獻象五頭帝降書謂之曰卿國在海南遠通朝貢所獻方物深達款誠今賜卿馬兩匹宜知朕意

二年二月突厥遣使阿史那鞠來朝帝御承天門見之是月拂涅靺鞨首領失異蒙越喜大首領烏施可蒙鐵

利部落大首領闔許離等來朝新羅遣使級食朴裕來

賀正

八月西天竺國遣使獻方物

二年二月天竺國使翟曇惠感來獻方物六月林邑國  
遣使來朝

四年三月佛誓國遣使朝貢新羅遣其臣金楓厚來賀

正

七月大食國黑密牟尼蘇利漫遣使上表獻金線織袍

寶裝玉灑池瓶各一一云開元初進馬及寶鉢帶等方物

閏十二月東蕃遠蕃靺鞨部落拂涅部落勃律國皆遣

大首領來朝

五年三月拂涅靺鞨勃律新羅安國並遣使獻方物康國王遣使獻毛錦青黛

五月真臘文單新羅靺鞨中天竺國並遣使來朝并獻方物

六月突騎施遣使獻橐駝及馬降書謂曰卿遠貢忠信

詣獻駕馬朕玄默為神澹泊為德貌彼部落則有勞費  
已勅所司不令輒受深領厚意宜體至懷是月習阿薛  
般國王安殺遣使朝貢于闐國遣使獻打毬馬兩匹風  
腳野駝一頭駒一頭

七月突厥遣使獻馬

十月日本國遣使朝貢命通事舍人就鴻臚宣慰

六年二月契丹新羅米國石靺鞨鐵利鞨涅蕃守並遣  
使來朝

四月米國王遣使獻拓壁舞筵及鑰是年康國遣使貢獻鎖子甲水精盃瑪瑙瓶駘鳥卵及越諾之類史不書月

七年正月奚王李大輔及新羅國並遣使來賀正突騎施匐車鼻施啜蘇祿并波斯國並遣使朝貢石拂林國王遣吐火羅國大首領獻獅子二零羊二拂涅靺鞨鐵利靺鞨越喜靺鞨並遣使來朝

二月波斯國奚拂涅靺鞨三月安國並遣使獻方物

四月契丹松漠都督李婆固遣使獻馬十四匹九姓同羅

都督末啜曳遣使獻野馬膀皮甲吐火羅葉護及俱密國並遣使朝貢已卯訶毘施國捺塞使吐火羅大首領羅摩婆羅獻獅子及五色鸚鵡帝以其遠蕃脩貢加宴勞賜錦綵五百疋

五月俱密國遣使獻胡旋女子及方物

六月大食國吐火羅國康國南天竺國並遣使朝貢其吐火羅國支汗那王帝賒上表獻解天文人大慕闍其人智慧幽深問無不知伏乞天恩喚取慕闇親問臣等

事意及諸教法知其人有如此之藝能望請令其供奉  
并置一法堂依本教供養

七月佛律國蘇弗舍利遣使來朝謝冊立恩也波斯國  
遣使朝貢

八月大拂涅靺鞨遣使獻鯨鮀魚晴貉鼠皮白兔貓皮  
八年正月中天竺國遣使來朝

二月罽賓國遣使來朝進天文經一夾秘要方并蕃藥  
等物

五月南天竺國遣使獻豹及五色鸚鵡問日鳥

六月吐火羅國遣使獻馬及驥

九月罽賓國獻善馬謝颯國遣使來朝

十一月吐蕃使蘇和素董悉曩等來朝貢南天竺王遣使來朝

十二月吐蕃石國及謝颯國並遣使來朝貢

九年二月石國王遣使朝貢處密國遣使獻駒及馬

六月龜茲王白孝節遣使獻馬及狗

十一月己酉渤海郡靺鞨大首領鐵利大首領拂涅大首領契丹蕃郎將俱來朝並拜折衝放還蕃

十年正月癸卯朔帝御含元殿受朝賀是日諸蕃國各獻方物

七月丹州獻朱鬢白馬

十月乙巳新羅遣大奈麻金仁壹來賀正并獻方物越喜遣首領茂利蒙來朝并獻方物波斯國遣使獻獅子  
十一月渤海遣其大臣味勃計來朝並獻鷹

十一年四月新羅王金興光遣使獻果下馬一匹及牛  
黃人參頭髮朝霞紬魚牙紬鏤鷹鈴海豹皮金銀等興  
光上言曰臣鄉居海曲地處遐陬元無泉客之珍本乏  
賓人之貨敢將方產之物塵黷天官駕蹇之才淳穢龍  
廐竊方燕不敢類楚雞深覺覩顏彌增戰汗

十二年二月契丹遣使渥禮來賀正并獻方物奚遣大  
首領李奚奴等十人渤海靺鞨遣其臣賀作慶新羅遣  
其臣金武勲勃律遣大首領蘇磨羅來賀正各賜帛五

十四放還蕃

三月大食遣使獻馬及龍腦香識匿國王遣使獻馬及  
金精契丹遣使來朝且謝恩往歲契丹使木據離奉國  
信歸蕃是以來也

四月康國王烏勒遣使獻侏儒一人馬狗各二

五月松漠府契丹遣使來朝饒樂府奚遣使獻麝香

七月吐火羅國遣使獻胡藥乾陀婆羅等三百餘品尸  
利佛誓國王遣使俱摩羅獻侏儒二人僧祇女一人雜

樂人一部及五色鸚鵡授摩羅折衝賜帛百疋放還蕃  
十二月越喜靺鞨遣使破支蒙來賀正并獻方物突厥  
遣使裴羅啜來朝堅昆遣使獻馬契丹遣使獻馬契丹  
新羅王金興光遣使獻方物

閏十二月突厥遣其大臣阿史德暎泥孰來朝

十三年正月契丹遣使渤海遣大首領烏借芝蒙黑水  
靺鞨遣其將五郎子大食遣其將蘇黎等十三人並來

賀正旦獻方物

三月大食國遣使蘇黎滿等十三人獻方物

又云獻馬及毛錦

識匿國遣使獻馬

七月室韋遣使來朝丁未中天竺國遣使來朝

是年契丹遣其臣可突于朝貢方物

十四年正月突厥遣其大臣臨河達干康思琮來朝契丹遣其臣邵固來朝突騎施可汗遣首領阿句支來獻馬

二月安國遣使獻豹雄雌各一突厥遣使執失頡利發

等三百餘人來賀封山

四月新羅遣使金忠臣來賀正契丹遣大首領李闕等六人來朝

五月安國王波婆提遣其弟可悉爛達干拂耽發黎來朝獻馬及豹新羅遣其弟金欽質來朝突厥遣其大臣臨河達干康思琮來朝

七月契丹部落刺史出利縣令蘇固多等來朝

十一月吐火羅國遣使來朝突厥遣其大臣梅錄啜來

朝渤海靺鞨王遣其子義信來朝并獻方物奚遣使阿布高來朝康國王遣使獻豹及方物

十五年正月新羅遣使來賀正

五月康國獻胡旋女子及豹史國獻胡旋女子及蒲萄酒安國獻馬

七月突厥骨吐祿遣使獻馬及波斯錦史國王阿忽必多遣使獻胡旋女子及豹

八月渤海王遣其弟大寶方來朝

九月突厥毘伽可汗遣其大臣梅錄啜來朝

十月識匿國遣使賀正靺鞨遣使來朝並獻方物

四月護密國王遣米國大首領米忽汗來朝並獻方物

十一月佛誓國王遣使獻五色鸚鵡米國王遣使獻獅子是年新羅國遣使來獻方物

十七年正月米使獻胡旋女子三人及豹獅子各一骨  
咄俟斤遣男骨都施來朝獻馬二匹

二月渤海靺鞨遣使獻鷹是月渤海靺鞨遣使獻鯔魚

三月護密國大首領烏鵲達干來朝

六月北天竺國三歲沙門僧密多獻質汗等藥

七月吐火羅使僧難陀獻須那伽帝釋麥等藥

九月大食國遣使來朝並獻方物

十八年正月波斯王子繼忽娑來朝獻香藥犀牛等吐  
蕃靺鞨遣其弟大郎雅來朝賀正獻方物波斯國王及  
新羅國王各遣使來朝賀正

二月突厥遣使哥解骨支車鼻額斤來獻方物渤海靺

韃大首領遣使知蒙來朝並獻方物馬三十匹

四月米國石國吐蕃突厥各遣使來朝貢

五月渤海靺鞨遣使烏那達初來朝獻海豹皮五張貉  
鼠皮三張瑪瑙盃一馬三十匹契丹遣使獻馬十二匹  
吐火羅僧難陁來朝貢獻瑞夷香藥等黑水靺鞨遣使  
阿布科思來朝獻方物

九月靺鞨新羅國並遣使朝貢

十月吐蕃遣其大臣名悉獮獻方物

十一月契丹奚中天竺國並遣使朝貢

十二月吐蕃贊普遣其臣諾勃藏來朝貢獻方物

十九年二月室韋渤海靺鞨新羅並遣使來賀正

八月吐蕃遣其國相論尚他肆來朝命鴻臚少卿李祺至界首宣勞申命中官路次宣慰

十月中天竺國王伊沙伏磨遣其臣大德僧勃達信來朝並獻方物林邑國獻象四突厥遣其大臣蘇農出邏達干等二十四人來朝嶺西室韋遣使來朝渤海靺鞨

王遣其大姓取珍等百二十人來朝

二十年正月壬子奚歸義王遣其首領細蘇等來朝新羅奚並遣使賀正

七月庚子突厥可汗堂弟何支監捺來朝

九月波斯王遣首領潘那密與大德僧及烈朝貢

二十一年二月骨咄王頡利發遣使獻馬并女樂

三月可汗那王易米施遣使獻馬突厥遣使新斯壁紆思鮮闕等十六人來朝

閏三月勃律國王沒謹忙遣使大首領察卓那斯磨沒勝來朝謝冊立之恩

四月突厥大使烏鵲達干來朝

八月日本國朝賀使真人廣成與僕從五百九十人舟行遇風飄至蘇州刺史錢惟正以聞詔通書舍人韋景先往蘇州宣慰焉是月骨咄王遣大首領如達干來朝

九月突厥遣其大臣牟伽伊難達干等十三人來朝

十二月可汗那王易米施遣使首領婆延達干大食國

王遣首領摩思覽達干等來朝

二十二年正月吐蕃遣使來朝

四月日本國遣使來朝獻美濃絶二百匹水織絶二百  
疋突厥遣其大臣斯壁紓思鮮闕來朝西南蠻大酋率  
蒙歸義遣使獻口麝香牛黃新羅王興光遣其大臣金  
端嶠丹來賀正先時興光遣其姪志廉謝恩獻小馬兩  
匹狗三頭金百兩銀二千兩布六十疋牛黃二十兩人  
參二百斤頭髮一百兩海豹皮一十六張及是授志廉

鴻臚少卿員外置

六月林邑國遣使獻沉香

二十三年正月突厥哥解骨支車鼻施頓斤來朝新羅  
遣使金義忠等來賀正

二月吐蕃贊普遣其臣悉諾勃藏來賀正貢獻方物兼  
以銀器遺宰臣侍中裴耀卿中書令張九齡禮部尚書  
平章事李林甫等奏曰臣等忝職樞近不合輒受吐蕃  
餉方物並望勅鴻臚進內帝不從

三月日本國遣使獻方物渤海靺鞨王遣其弟蕃來朝  
八月鐵利部落拂涅部落越喜部落俱遣使來朝獻方  
物林邑國遣使獻馴象

九月辛巳吐火羅國十二月新羅並遣使來獻方物林  
邑國遣使獻白象

二十四年正月吐蕃遣使貢獻方物金銀器玩數百事  
皆形制竒異帝令列於提象門外以示百僚

六月新羅王金興光遣使賀獻表曰伏奉恩勅溟江以

南宜令新羅安置臣生居海裔沐化聖朝雖丹素為心  
而功無可効以忠正為事而勞不足賞陛下降雨露之  
恩發日月之詔錫臣土境廣臣邑居遂使墾闢有期農  
桑得所臣奉絲綸之旨荷榮寵之深粉骨糜身無繇上  
答

九月越喜靺鞨遣使獻方物

二十五年正月焉耆大首領龍長安牂牁大首長趙君  
道渤海靺鞨大首領木智蒙來朝波斯王子繼忽婆來

朝

二月新羅遣使沙食金抱質突厥遣使哥解骨支車鼻  
額斤並來朝賀正且獻方物

四月渤海遣其臣公伯計來獻鷹鶻東天竺國三藏大  
德僧達摩戰來獻胡藥卑斯比支等及新咒法梵本雜  
經論持國論占星記梵本諸方

十二月新羅國王金承慶遣使獻方物吐蕃遣其大臣  
屬盧論莽歲來朝且獻方物

二十六年正月吐火羅國遣大首領伊難如達干羅底  
賤來獻方物

三月新羅使其大臣金元元來賀正

閏八月渤海靺鞨遣使獻貂鼠皮一千張乾文魚一百  
口

二十七年二月渤海王遣使獻鷹又拂涅靺鞨遣使獻  
方物

四月拔汗那王阿悉爛達干史國王斯謹提突騎施大

將索俟斤並遣使獻表起居

十月渤海遣使其臣受福子來謝恩

二十八年二月越喜靺鞨遣其臣野古利來獻方物鐵  
利靺鞨遣其臣綿度戶來獻方物詳柯大酋長遣使獻  
蠟

三月骨咄國遣使首領博勒達干刺勿來朝命有司享  
之

十月渤海靺鞨遣使獻貂鼠皮昆布安國遣使獻寶牀

子及駝鳥卵盃康國遣使獻寶香爐及白玉環瑪瑙水  
精眼藥瓶子

二十九年正月拔汗那王遣使獻馬

二月渤海靺鞨遣其臣失阿利越喜靺鞨遣其部落與  
舍利黑水靺鞨遣其臣阿布利稽三月拂涅靺鞨遣首  
領那弃勃史國王斯謹提遣首領勃帝米施拔汗那王  
遣首領阿解支達干思伽並來朝賀正具獻方物突厥  
遣使首領伊難如來賀正具獻方物上表曰頂禮天可

汗禮諸天奴身曾祖已來向天可汗忠赤每徵發為國  
出力今新年獻月伏願天可汗壽命延長天下一統所  
有背恩逆賊奴身共拔汗那王盡力枝敵如有歸附之  
奴即和好今謹令大首領伊難如拜賀又吐火羅遣使  
獻紅頗梨碧頗梨生瑪瑙生金精及質汗等藥中天竺  
王子李承恩來朝

四月渤海靺鞨遣使進鷹及鶻

八月吐蕃贊普遣使獻方物

十二月東女國王趙曳夫及佛誓國王喃國王各遣其子來朝具獻方物

天寶元年三月曹國王哥邏僕羅石國王特勒並遣使獻馬及方物

五月拂林國王遣大德僧新羅王並遣使來朝

十月拔悉密可汗使大首領來朝

二年正月契丹刺史八十人并來朝

二月解蘇國王阿德悉遣大首領車鼻施達工羅頓殺

等二十人來朝具獻方物

九月安西黑姓可汗骨咄祿毗伽遣使獻方物

十二月石國王特勒遣女婿康國大首領康染顛獻方物

三年閏二月新羅遣使拔汗那王阿悉爛達干遣大首領並來賀正并獻方物

三月安國王屈底波遣大首領來朝并獻方物

四月新羅七月大食國康國史國西曹國米國謝颯國

吐火羅國突騎施石國並遣使獻馬及寶

十二月新羅王遣弟來賀正

四載二月黃頭室韋三月謝颯吐火羅波斯俱訶蘭國  
並遣使獻方物罽賓國遣使獻波斯錦舞筵

四月新羅五月大食舍麼國七月石國王特勒安國王  
屈底波並遣使來朝貢

七月安國王屈底波遣使朝貢又小勃律遣僧大德三

藏伽羅密多來朝

九月九姓使回紇大首領頓啜邏達三哥哥羅祿使首  
領佢並來朝寧遠國奉化王特進驃騎大將軍拔汗那  
王阿悉爛達干遣使來賀正

五載正月獅子國王尸邏迷伽遣婆羅門僧灌頂三藏  
阿日伽跋折羅來朝獻鉢金寶瓔珞及貝葉梵寫大般  
若經一部細白氍四十張

二月新羅王金憲英遣使來賀正兼獻方物

三月渤海遣使來賀正石國王遣使來朝并獻馬十五

匹陁拔斯單國王遣使來朝獻馬四十匹石國副王伊捺吐屯屈遣使獻方物

四月拔密國遣使朝貢

七月波斯遣呼慈國大城主李波達僕獻犀牛及象各一

十月南郡骨咄王遣使獻馬十五匹三葛邏苾伽葉頓護阿波移健啜遣使朝貢

閏十月陁拔斯單國王忽魯汗遣使獻千年棗突騎施

石國史國米國羈賓國各遣使來朝獻繡舞筵氍毹紅  
鹽黑鹽白戎鹽餘甘子質汗千金藤瑠璃金銀等物

十一月威遠國遣使朝貢

六載正月新羅渤海龜茲于闐焉耆牂牁雜姓平蠻黃  
頭室韋黑水靺鞨並遣使來賀正各獻方物

四月突厥九姓獻馬一百五十四匹堅昆獻馬九十八匹

波斯遣使獻瑪瑙床

五月大食國王遣使獻豹六波斯國王遣使獻豹四石

國王遣使獻馬

六月戊午突騎施遣使朝貢

十二月九姓堅昆及室韋獻馬六十匹令西受降城使印而納之

七載正月黃頭室韋和解室韋賂丹室韋如者室韋黑水靺鞨等並遣使朝貢勃律歸仁國王遣使獻金花

二月西南蠻雲南王蒙歸義遣使賀正

三月黑水靺鞨黃頭室韋和解室韋如者室韋賂丹室

韋並遣使獻金銀及六十綵布魚牙紬朝霞紬牛黃頭  
髮人參于闐焉耆龜茲牂牁並遣使賀正具獻方物  
六月蘇頌利發屋蘭國王婆鉢阿越多遣使獻馬及方  
物罽賓國悒怛國並遣使朝貢林邑國遣使來朝并獻  
象牙花氍

八載正月奚遣使賀正

三月渤海遣使獻鷹

四月吐火羅國遣使獻馬

八月十姓突騎施遣使來朝寧遠國王子屋磨來朝石國王子遠恩來朝

九月林邑國城主盧陁遣使來朝獻珍珠一百條黑沉香三十斤鮮白氍二十雙

十月九姓勃曳固大毘伽都督默每十人來朝

十一月突騎施遣使賀正并獻方物寧遠國奉化王阿悉爛達干遣使賀正

九載正月黑水靺鞨黃頭室韋並遣使賀正骨咄國王

羅金節遣大首領鶻汗達干來朝獻口四十三胡馬三  
十匹康國王咄曷遣大首領未野門獻馬十匹及方物  
安國王屈底波遣使來朝獻馬一百匹

三月渤海遣使獻鷹獅子國獻象牙真珠北邑國獻象  
牙真珠白花鼴

四月波斯獻火毛繡舞筵長毛繡舞筵無孔真珠

六月契丹遣使謝恩真臘國遣使獻犀牛

十載二月寧遠國奉化王阿悉爛達干遣使獻馬二十

二匹及豹天狗各一俱密國王伊悉闕俟斤遣使獻胡  
馬二十六匹

九月波斯蘇利悉單國火尋國康國安國俱密國並遣  
使朝貢寧遠國奉化王阿悉爛達干遣使獻馬二十匹  
是月又獻馬四十匹

十月辛未九姓回鶻遣首領伊難知來朝

十一載三月三葛邏祿遣使來朝

八月回鶻遣使來朝歸仁國遣使朝貢

十一月三葛邏祿遣使來朝黑水靺鞨遣使來朝

十二月黑水大食謝颯多訶密遣使來朝舍磨國寧遠  
國並遣使來朝康國遣使朝貢

十二載正月疏勒首領攝耀建州司馬裴國良金州首  
領阿滿兒褐車鼻施並來賀正

三月劉賓國謝颯國歸仁國黑衣大食並遣使獻方物  
咩柯疏勒日本等國渤海並遣使賀正

四月三葛邏祿遣使來朝凡一百三十人分為四隊相

繼而入各授官賞恣其請求皆令滿望黑衣大食遣使來朝

五月火尋國遣使獻紫麋皮白生石密黑鹽

六月日本國遣使來朝

七月東蠻八月寧遠國主安國新城王芬建城王吐火羅葉護等國並遣使朝貢

九月文單國王子率其屬二十六人來朝

十二月護密國遣使朝貢黑水遣使獻馬三十匹葛

邏祿及石國遣使獻方物

十三載正月渤海遣使賀正

四月寧遠國及九姓回紇米國突騎施黑姓可汗及黑  
衣大食吐火羅石汗那俱位國並遣使來朝

九月寧遠奉化王遣使獻胡馬及方物是年康國遣使  
朝貢

十四載三月康國副王火尋國王稍芬曹國王設阿忽  
並遣使朝貢

四月新羅突騎施並遣使賀正

六月日本國七月黑衣并遣使貢獻

八月歸仁國王遣使謝恩

十五載七月黑衣大食遣大首望二十五人來朝

肅宗至德初大食國遣使朝貢

三年正月護密國王使大首領羅友文來朝

乾元元年五月壬申朔回紇使多乙亥阿波八十人黑  
衣大食酋長闍文等六人並朝見至閻門爭長通事舍

人乃分左右從東西門並入文涉施黑衣大食遣使來朝見

六月辛丑朔吐火羅葉護使烏利多康國長史康忠義  
劍南蠻酋段秦生並來朝是年羈賓國遣使朝貢

二年三月寧遠國使烏物安國使安莫純瑟並來朝  
八月十姓可汗使來朝十姓突騎施黑姓可汗阿多裴  
羅等并波斯進物使李摩日夜等及寧遠國使葛等來

朝

三年正月奚王主羅遣大首領上階將軍等十二人來朝

上元元年九月回紇使二十人於延英殿通謁

十月回紇使近支伽裴羅等七人於延英殿朝見

十二月白衣使婆謁使等十八人於延英殿會

冊府元龜卷九百七十一